


石倉十二代詩選

百九




石倉十二代


漢書門類		三七四	九七	一〇	一四二
類		號	函	架	冊

內閣文庫		漢書	三七四	一四二	三九
類		號	冊	架	函

內閣文庫		漢	3745
冊數	142	(111)	
函號	319	25	

明次集三卷





石倉十二代詩選

明次集卷三十九

江門集

大明

試太學和龜山此日不再得詩

文庫

能飢謀菽稷昂寒思植桑少年負奇氣萬丈摩
青蒼夢寐見古人慨然悲流光義利分兩途折
之極毫茫道德乃膏腴文辭固粃糠聖途萬里
餘髮短心苦長及此歲未暮驅車適康莊

自策示諸生

歷代詩選

明陳白少

次集卷卅九

一

祥

賢聖久寂莫六籍無光輝元氣五百年一合又
一離男兒生其間獨往安可辭邈哉舜與顏夢
寐或見之顧余獨何人瞻望空爾爲年馳力不
與撫鏡歎以悲豈不在一生一生良遲遲今復
不努力虛浪死勿疑請回白日駕魯陽戈正輒

冬夜

長夜氣始淒木綿被重裘端坐思古人寒燈耿
悠悠是時病初間背汗仍未收學業坐妨奪日
蕪廢鋤耰丈夫庇四海而以俯仰憂口腹非所

營水菽吾當求明旦理黃犢進我南岡舟

夢觀化書六字壁間

孔子曳杖歌逍遙夢楹後我夢已逍遙六字書
在牖聖愚各有盡觀化任驅走問我年幾何春
秋四十九死生若晝夜當速何必久卽死無所
憐乾坤一芻狗

感劉琨與盧諶事

越石信英臣子諒亦文雅生遭晉運微奔走風
塵下晉陽嘯明月胡雛夜回馬并州困石勒從

歷代詩選 卷之九 二
事爲別駕成敗非所論吾憐鑿坏者

移居

萬金論買隣千金論買宅豈不念子孫而以營
朝夕長揖都會里來趨白沙役壤地何必廣吾
其寄一席隣曲彌樂今園林尚懷昔吾志在擇
善無然復離析

又

留連晡時酒吟咏古人詩夕陽傍秋菊采之復
采之采之欲遺誰將以贈所思所思在何許千

古不同時四海倘不逢吾寧獨去茲願言秉志
貞勿爲時所欺

九日閒居

無錢撫秋菊向夕涼風生誰爲白衣者頗識江
州名映杯碧水淨曜日丹葩明天際雁孤往草
根蟲一聲荏苒委時節徘徊閱年齡興來發長
歎意盡還一傾儉德苟不慙厚祿安可榮白首
希高賢清謠渺遺情人生亦易足何必勤無成

和郭主簿寄莊定山

歷代詩選
青松出喬木遙望十里陰少年不結友歲暮懷
同襟同襟問爲誰定山携一琴悠然操一曲不
辯古與今在昔經江東多士余所欽論文盈觴
酒惟我與子斟豈意千載下復此聞韶音我病
不出戶何時還盍簪茫茫宇宙內與子契其深

贈羊長史寄遼東賀黃門欽

此心自太古何必生唐虞此道苟能明何必多
讀書寂寂委山澤于于來京都斯人各有分彼
此何能踰杪秋風日清呼兒理肩輿聊爲玉臺

遊言笑誰與俱屈指意中人一坐一脚躡聖道
日藁塞誰哉剪其蕪之子久不見吾生何以娛
常恐歲月晚况與音問疎申以伐木章一日三
卷舒

飲酒

木犀冷于菊更後十日開清風吹芳草馨香襲
人懷昔者東籬飲百榼醉如泥那知此日花復
與我酒諧一曲盡千杯酪酏花間迷赤脚步明
月杯盡吾當回

唐子歲九月中于西田獲早稻

遲明向南畝疎星在簷端夫出婦亦隨無非分
所安道旁往來人下車時一觀問津津不知仰
觀飛鳥還邏苗遠時夕濯足荒溝寒吾惜耦耕
好焉知世路難伐鼓收西畝黃雲被江干聊用
代糟糠作粥歡賓顏

懷古田舍

君子固有憂不在賤與貧農事久不歸道路竟
徒勤青陽動芳草白日悲行人沮溺去千載相

知恒若新出門轉窮厄得已聊一欣甘雨澤久
珍繁花冪春津獨往亦可樂耦耕多近隣百年
桑鼎流永從耕桑民

紫菊一首寄林時嘉

嚴霜百草枯三逕挺秋菊綠葉明紫英微風遞
寒馥芳情謝桃李雅望聯松竹懷哉種花人杳
在江一曲遺我盎中金南窗伴幽獨時無續騷
手憔悴當誰錄且脫頭上巾茅柴今可漉

秋興

西風振庭木虛堂夜蕭蕭攬衣起步月歸雁雙
飄颻天地豈予獨知音不可招冥心祈有合悵
望空雲霄

望羅浮

大山必有靈土高豈無異翠浮幾千丈日月東
南翳我尋五岳來未問仙家事絕頂望九州衡
山正西峙

贈陳秉常

遠色霽初景清風振遙林子來入我室弄我花

間琴正聲一何長幽思亦已深願留百千歲贈
子瑤池音

送李劉二生還江右用陶韻

夜聞桂樹芳晨起山鳥喧客從遠方來歷我階
西偏手持諸公書徵會在匡山我願結其人遂
往不復還滯形宇宙內俛仰獨何言

贈世卿

青青墻下竹冬後色如是燦燦月中花歲寒香
不匱新知語未足遠別情難置獨上江門舟址

應仁詩選

明陳白沙

六

風日凌厲

有懷世卿

時雨日夕來郊原藹新綠白雲被重岨下映寒
塘曲情紆竹上言魂消井邊躅三年隔瀟湘書
至不可讀

又

伏枕廬山下春懷慘不舒哀絃久去耳風韻今
何如灼灼花自媚嚶嚶鳥相娛高臺夕流盼占
道行人疎

又

煩囂謝人境抱膝山臺居柰此枝上鳥交交春
雨餘少年耳目冗衰老不能虛安得曾連子從
之泛江湖

送劉方伯東山先生

未別情何如已別情尤逸豈無尺素書遠寄天
一角江門卧煙艇酒醒簔衣薄明月古松間清
露灑孤鶴

蔣韶州書至代簡答之

歷代詩選

月東日少

次集卷卅九

七

合

相別何悠悠梅花卜寒整音塵中斷絕宵若墮
深井忽枉尺素書開讀喜不定庾嶺秋正高揚
旌下松逕君才足理郡韶民日延頸古來水火
喻子產功在鄭歲計諒有餘願聞下車令

再贈周文都

十年兩別君一別一回老問藥朱陵遊吾茲恨
不早平生憂樂下相對各傾倒遠別望眼昏浮
雲不堪掃

偶得寄東所

知暮則知朝西風漲暮潮千秋一何短瞬息一
何遙有物萬象間不隨萬象凋舉目如見之何
必窮扶搖

除夕呈家兄

去年除夕色未槁今年除夕兄已老小弟朱顏
不如昨但說窮通無醜好山中茅屋二十年日
月逝矣如奔川兄弟五男并二女啜菽飲水同
炊煙慈母年高白髮少二十孀居憂未了眼前
黃口那得知爭覓梨栗相喧炊我年未老筋力

衰耒耜卽付大頭兒童牛生角禾登壠爲我且
給通家糜

脩外海赤坭嶺墓作

赤坭岡頭封馬鬣生荆死竹無日月晚生曾孫
賤又劣仰首蒼天淚流血載鋤入山日已決北
風吹我篙櫓折悲鳴中夜聲嗚咽曉踏荒山馬
蹄熱開榛伐樹功務捷指揮羣僕口喋喋須臾
豁見天然穴高下山川甚蟠結西南諸峰青不
絕東北漫漫海波貼向來淺土悲滅裂再掘又

恐靈氣泄復以玄石置墓碣永示雲來千萬劫
人生貴賤那可必下山復作兒女別

有鶴寓懷先友丁彥誠邑宰

有鶴獨睨臨江樓雪衣迥映江天幽問爾莫是
蘇耽流蘇耽一去三千秋人間膏火不可畱欲
往從之嗟無由鶴聞我言九回頭欲去不去增
綢繆四野無雲風颼颼矯翮萬里須臾周顧我
欲下非丁侯

題馬默齋壁

歷代詩選

明陳白

九

屋後青山屏翳合簷前綠樹煙花匝主人閉門
履不納跣趺明月光繞榻客來問我笑不答但
聞山鶯啼恰恰橙橘盈園野芳雜門外一江深
映閣四時八風誰管押煙飛霧走龍騰甲拙者
孤舟持酒榼成化十年甲午臘

贈陳冕

南有滄溟水北有崑崙山我屋正在溪山間瞻
望不遠行寔難白雲朝暮常漫漫桃花欲開梅
又殘問君此去何時還

偶得

衡山西遊何時還暫寄漁簑水石間又恐風吹
江日殘扁舟打落蘆花灣教兒且築大雪山

止客宿

為恨開年雨江村馬迹稀諸君能枉拜今夕不
須歸歲酒堪投轄人家欲掩扉仍聞僕夫語畏
逐駿蹄飛

石門

白髮非公事扁舟進此門山雲寒不雨江路曲

歷代詩選

月棟曰以

次集卷卅九

十一

日

通村玩世吾何有長途馬不存晚來堪一醉江
月照空樽

對鶴

吾晚病兼貧麻衣穩稱身朝來參兩鶴花底作
三人日出東南雨鶯啼宇宙春三杯下衫袖拂
拭舊龍唇

懷古次韻王半山

相逢疎柳下賓主兩忘言處士乃無履江州初
到門低頭入茅宇散髮對金罇長揖朱轡別狂

歌向小園

卽席賦

林際夕微涼池塘散月光呼兒看酒具待客飲
江鄉月對歌筵徙風拖舞袖長人生行樂耳歸
棹擬相將

盆池栽蓮至秋始花

秋露開炎萼非時不遣誇盆中玉井水溪上春
陵家酒醒涼風發詩成缺月斜願爲若邪叟種
水作生涯

秋坐碧玉樓偶成

造次中秋過商量九日來詩將秋景澹菊爲老
人開時節陶潛醉江山宋玉哀平生滄海意不
受白鷗猜

秋晚

皎皎月又缺鮮鮮菊可收汀雲迷島嶼山雨落
扶留市有屠牛杙江連邏吏舟恐無賒酒處垂
白對清秋

苦熱

晚涼慰我渴秋暑着人煩拄杖緣溪足看潮
柳根啖詩衰骨痛開卷病眸昏六月飛雲冷相
思只斷魂

枕上偶成

折簡無官府蒲團了歲年岩雲交樹白水月印
沙圓懶甚陶元亮閒于魏仲先吾曹先分薄於
福敢求全

春日江村

草帶籬腰綠花簪石頂紅林園開畫景鶯燕語

歷代詩選

明陳白沙

七

春風山靄霏霏合江流渺渺東獨來橋畔路高
挂過眉節

病亦可后山韻寫懷

病枕愁更永籠燈對夜長千年無鮑叔一懶有
柴桑兒請栽瓜地妻評作麩方花時呼酒伴醉
酌出扶墻

題新村書齋壁

茅棟依岩靜柴門洗竹通桑榆巷南北煙火埭
西東一逕漁樵入孤村井臼同隣家得美酒吹

笛月明中

是夕范生小酌

日月雙輪轉乾坤一氣旋是時冬始閏細雨夜
如年人語斜風外村聲落葉邊憑誰給燈火更
坐讀殘篇

至容貫宅

在昔偶相遇如今共白頭敝衣寒露肘破屋早
知秋家業憑觚翰厨煙管去畱老翁如辟穀與
子入羅浮

歷代詩選

明陳白沙

次集卷廿九

七

山

贈謝德明有事赴廣還

月落五仙城。天空一雁鳴。
離愁動江色。歸纜解鐘聲。
鷺應船謳起。溪尋酒幔行。
經過不買醉。貪喫早梅英。

答惠州鄭別駕惠葛布

惠我一端葛。裁衣笑不吝。
賦詩酬別駕。愛酒典隣家。
獨酌秋風裏。浩歌山月斜。
醉魂不覺遠。卧探惠陽花。

至陳冕家

遠樹晴堪數。孤雲暝欲遮。
自憐江海迹。能到友生家。
落日明江色。輕風動麥花。
相看吾鬢白。不必問年華。

南歸寄鄉舊

白愛愚公谷。誰過野老家。
時依當戶竹。閒數上墻花。
鳥立溪槎靜。牛爭崦路斜。
懷中嬌小女。學語解呼爺。

寄太虛上人

太虛坐石洞。孤絕少人依。
遠客携琴至。逢師乞

歷代詩選
食歸一蒲青草上四面白雲飛盡日無言說
花落滿衣

寄廷實

無才慵作吏有酒喜迎賓老更耽高卧時還近
俗人鐘鳴山寺遠月出土牀親何處期吾子笙
歌玉洞春

景雲田萌尾

簑笠堪從事少年農圃情乘潮打雨槩落日照
孤城山廟題詩過汀鷗伐鼓驚提携新耒耜寂

莫舊棋枰挾被防春冷攤書快晚晴兒曹依奉
分吾道在躬耕

茶蘼將開值雨

相看無語只沈吟蓓蕾枝頭已簇金山雨不來
昏晝景東君容有妬春心較量花品終何益茫
昧天機亦自深明日陰晴還未定一樽何急對
花斟

苦熱

尋常衣汗濕青荷爭柰連朝溽暑何象內陰陽

歷代詩選 明陳白沙
分老少年來天地少中和水枯尾沼蛙將徙日
灸山枝鳥不歌一事傷廉非得已竹林冰簟受
風多

不寐

丘首寧忘溝壑心白頭冰雪更相侵妻烹野菜
晨供飯兒點松燈夜對琴賦拙任留司馬壁碑
成不賣退之金無端婚嫁相料理獨聽疎更到
夜深

留別諸友

崑崙西北是官陂滅迹煙霞我自遲獨往恐逢
江上雪相思還寄隴頭枝風雲想見千年會消
息終還七日期總爲高堂苦離别人生菽水幾
何時

石門次林緝熙韻

孤舟昔繫飛來寺白首重來十四秋君看秋風
吹彩鷁何如老子坐青牛留情世事終何補得
意雲山亦易休見說夔龍滿朝著九重應許放
巢由

回岐道中

回岐接水樹冥冥又是朝京一日程兩耳如聞
重譯語幾時不見五仙城朝無兒釋歌行酒夜
有巡船卧打更欲識羈情多少在崐崙峰上白
雲生

晨起將出尋梅

朝煙橫野犢鳴陂索杖山齋睡起時田父許留
今日醞梅花不欠去年詩衝寒索笑來何處帶
病尋香出每遲彷彿西湖夢中見水邊籬落雨

三枝

元旦試筆

六載虛叨供奉臣白頭吾亦兩朝身問閭擊壤
今弘治簡冊編年又戊申日色小薰穠李晝風
光欲醉乳鶯春廬岡此景誰分付也到江門不
屬人

六十一自壽

世間甲子是何年母髮雙皤子亦然十數曾孫
羅膝下兩三杯酒笑燈前尋僧野寺花迷逕吹

笛江門月滿船 聖主萬年歌不足 聊將鼓腹
詠堯天

春日偶成

蛺蝶飛飛花映窗 流鶯恰恰柳垂江 出墻老竹
青千箇 泛棹春鷗白一雙 暖日暄風酣獨卧 來
牛去馬亂相撞 江山指點非無句 誰致先生酒
百缸

夢崔清獻坐牀上 李忠簡坐牀下 而予叅

其間

獻堂堂四百 春夢中 爲守識天人 報君西蜀
油幕老我東 籬白葛巾萬里歸 心長短賦九
天辭表十三陳 南風欲理增江棹 已借青山十
墓隣

次韻定山先生種樹

橋下流泉十丈窪 橋頭草屋萬株花 關關終日
鳥鳴樹 歲歲春風人在家 何處三杯歌浦口 祇
留殘夢在天涯 樽前不見滄溟濶 浩浩還君一
笑誇

歷代詩選 明陳白沙

清明前二日有懷亾友伍光宇無子

先生英骨葬蓬萊幽思憑高不易裁
荒歲無窮春易老清明將近雨還來
皇天自合包胥怒泉壤誰興伯道哀
尋樂齋前數株樹月明空有鶴飛廻

寄高知縣

下通河岳上星辰何處風流着此身
天子未旌強項令督郵多具折腰人
青天白日孤城曉碧柳黃鸝萬井春
澗底菖蒲真未有堪君服食更

通神

次韻林先生潮連館中見寄

煙村渺渺樹成行社屋三間是講堂
竹葉林中堪送老菊花籬下又逢霜
膳夫問煮魴魚美田舍邀嘗早稻香
入社撚鬚誰最數共尋佳句答年光

晚酌示藏用諸友

東溪牽犬過西溪短屐衝煙步步迷
秋竹苔深人語靜古壇松冷鶴巢低
山花折去空盈把春

酒沽來不滿提笑把長竿弄江水草間郭索尚
蟠泥

其二

漁翁向夜宿何溪月色蘆花到處迷
蓬背風吹黃葉過船頭浪捲雪山低
晚來竿綫殊堪弄老去干戈不著提
自有平生煙水分何曾軒冕視塗泥

其三

丹青不寫武陵溪只記桃花也著迷
芳草獨行山路僻白雲相送洞門低
笑呼竹笠前頭拜交付詩囊右手提
風月滿山關不住他時須用一丸泥

次韻顧別駕江門夜泊

雲卷晴波千里白帆收落日半江明
遙看煙際樓臺迥不受人間鼓角驚
碧玉偶逢須着眼黃花已過更揮觥
眼中別駕如君少傾倒尊前接後生

寄李九淵

歷代詩選 明陳白洲
黃花開盡不持醪更對黃花讀楚騷江閣影流
西日轉海鴻聲引北風高大寒天地猶堪出垂
老筋骸總厭勞嗟我與君同甲子鏡中誰讓長
霜毛

楊敷別後有懷

江門春雨送歸槎破帽排風落晚沙向晚野鶯
猶戀樹感春遊子未還家山瓶續致沽來酒草
閣開殘別後花明日越王臺上望白龍蟠處杳
飛霞

夢後作

蜀迹有去來達觀無古今長嘯人不聞山風襲
羅襟

又

楊柳餘朽株梧桐但疎陰小卧不出門不知秋
已深

對酒

放歌當盡聲飲酒當盡情門前烏柏樹夜半子
規鳴

歷代詩選

對竹

北風卷頑雲陰晴安可卜
海月出漸高獨照南窗竹

訪客舟中

船頭酒多少船尾閣春沙
恰到溪窮處山山枳殼花

贈張叔亨侍御

天下元無事勞勞空有心
相携沙上語山月二更深

張克脩別駕遷梧州守來別白沙贈之

少年恣行遊老病徒拘綴
送君今夜心還到蒼梧別

梅下有懷世卿

我見梅花愁人見梅花悅
去歲梅發時持醪與君別

九日

同俗不同俗山杯映秋菊
仍聞席上歌不是人間曲

歷代詩選

月泉日水

次集卷卅九

三

可

周鎬送白菊乞詩

白菊徧宜素髮青山只對蒼顏
燕罷秋香滿腹風吹不到長安

初晴

初晴樓上燕飛飛樓下人歌白苧衣
一曲未終花落去滿林啼鳥送春歸

訪山家

清泉煮蕨愛山家夜飲西崖望月斜
澗底白雲留不住半隨紅雨落天涯

歇馬大徑山

數家煙火隔林塘一樹寒花晚自香
黃葉塚頭暝歇馬鷓鴣聲裏近斜陽

有所思

采采紅芳日欲斜盈盈珠淚落天涯
東風忽攪籬前樹惱亂春愁不爲花

落花

落花半落流水香鳴鳩互鳴春日長
美人別我在江浦欲來不來空斷腸

歷代詩選

明陔白

三

清曉

清曉有人來款屏風吹衫袖白披披昨宵雨打
山窗破莫怪先生下榻遲

春寒

清明天氣如初臘雨脚雲頭枉是春階下茶蘼
開自晚不隨紅紫怨東君

桃花

雲鎖千峰午未開桃花流水更天台劉郎莫記
歸時路只許劉郎一度來

喜晴

西林收雨鶉鳩靈卷被開窗對曉晴風已醉花
花醉鳥竹門啼過兩三聲

雨中偶得

高浪張燈何處船客邊風雨夜如年行人自有
明朝路莫遣陰晴不屬天

宿雲卧軒

不妨到處與人羣借宿山齋酒半醺我得五龍
傳睡法枕痕猶帶華山雲

喜晴

春眠閉閣日沈冥咫尺溪籬懶更行却愧枝頭
子規鳥千秋人國未忘情

諱日有感

十二月逢哉生魄江山爲爾生愁色黃昏庭樹
鳥上啼一聲何處江樓笛

次劉方伯東山見寄

一爲雷雨沛西東十郡民歸岳伯功我有江門
水千頃春來只好浴鳧翁

喜聞劉亞卿得請還東山

平生畏就人間飯向晚還同野鶴棲今夜開
看邸報東山歸卧祝融西

贈張進士入京

五年不出獨何心萬里行囊又一琴難寫別離
今日意江門春水不如深

羅浮春寄民澤

海上花開萬玉林閒門碧玉夢相尋不知開處
花多少折盡羅浮半夜心

林緝熙縣博張廷實進士何孝子子完先
後見訪旣而緝熙往平湖廷實歸五羊
子完還博羅因賦絕句二首

四百峰頭白鶴知老夫三月有幽期爾家正在
羅浮下莫向春風怨別離
長髯遺我一囊山鐵橋流水非人間我今決策
山中去踏斷鐵橋無路還

次羅明仲先生見寄

白頭一枕小廬山偶寄孤松十竹間朝市山林
俱有事今人忙處古人閒

贈袁暉用林時嘉韻

植竹爲垣土作臺野橋分路到溪回江門若比
瞿塘水何處遊人肯上來

贈劉別駕蕭菴解官歸永豐

一簑歸去釣秋塘花近漁舟水亦香却笑此翁
閒未慣水中鷗影尚回翔

輓林別駕汝和

赤泥經雨草萋萋山北山南路欲迷怕到使君

投轄處黑雲堆壠鷓鴣啼

得蕭文明寄自作草書至

編茅十丈掃羅浮高榜飛雲海若愁何處約君
同洗硯月殘霜冷鐵橋秋

和林子逢至白沙

一樣春風幾樣花乾坤分付各生涯如今着我
滄江上只有秋香撲釣槎

南雄書院讀羅一峰碑

丘墳何處草離離千里湖西夢覺時落日小池

橋上路催人下馬讀殘碑

金鼇閣

橫浦秋成百尺橋金鼇閣上見山遙憑高無限
歸來思何處飛雲不可招

石倉十二代詩選

明次集卷之卅九

終

古今十二外精選

即大集卷之廿八

得蕭文明書 自作草書至

編茅十丈掃羅浮 高物水雲海若悲何處

同洗硯月夜 西人鐵橋吹

和許子道 行

風來浪湧波流雲不可蹤

欲雨妖氛百尺餘 金齋閣上艮山嶽 懸高無地

金齋閣

佛土翻翻人不黑 齋焚聒

石谷十二代詩選

明次集卷四十一

楓山集

大明

蘭溪章 懋著
後學曹學佺閱

送白沙陳先生公甫

涿泗迥且深 伊洛浩不息 建溪一以逝 末流日
澶寥 浙江泛功利 西江浸虛寂 寥寥宇宙間 何
人踐斯域 陵夷二百年 儒術轉乖僻 爭先取青
紫 明經竟何益 有美羅浮仙 遺編自探索 章甫
非我心 鏗然只鳴瑟 尚友千載人 充然如有得

卷之十一 詩選

月章 風山

次集卷四十一

一

祥

禮樂古三王剛修今六籍隆緒何茫茫仰鑽容
致力回瀾障百川屹立中流石任重道路長行
行慎無斃斯文諒有在前修未應沒何當謝塵
紛雲山隨杖舄共對梅花春細叩先天易

止賜酒

君王念儒臣眷養良獨厚解帶食天厨日賜黃
封酒飲食貴有節適時迺无咎昨詔酒云止曰
茲炎暑候豈惜麴蘖費狂藥恐作疾周書戒崇
飲聖誥垂不朽嗟彼八達徒沈酌良足醜寧爲

攝生謀不問中聖否皇恩浩如天欲報慚何有

送張憲瑄用陳公甫韻

萬里無諸國旬宣僅一年稻收千澮雨榕翳幾
村煙保障多新政規摹總昔賢設施嗟未究赤
馬又言旋

又

二南風不作道喪幾千年行葦荒秋雨甘棠老
暮煙繼周遭聖哲分陝况才賢好試經綸手乾
坤一轉旋

原什言選
明正
挽鄭縣丞

一官未了鬢先改丞負于今三十載藍田不作
哦松人九隴還饒遺愛在西風尊老鄉夢回桂
巖舊業荒蒼苔飄然挂冠賦歸去巖前桂子秋
正開惆悵人生能幾許葺舟夜半不知處鳩去
梁空芝草萎烏府歸來淚如雨

送友人還鄉

東風送客都門外祖道紛紛集冠蓋仗劍樽酒
惜解携長歌激烈心感慨江南二月春融融畫

橋煙柳輦新黛萬里風波一棹歸停橈時聽鶯
聲碎故園回首別經年佳廬山色青青在多君
自是尚書孫舊業箕裘莫輕廢人生功名須壯
時駒隙光陰不相待早修六翮奮秋空肯隨斥
鷃蓬蒿內交親不用嗟別離看花有約重相會
縱橫禮樂策三千明年獨向丹墀對

送總兵出師征虜

天王出震四海清熙熙田里皆安生越裳肅慎
供職貢鳧鷖旣醉歌太平蠢茲醜虜大不恭敢

歷代詩選 卷之四
與大邦相抗衡封豕長蛇肆憑陵烽燧忽起邊
塵驚 君王赫怒奮戈起召集貔貅百萬兵元
老壯猷有方叔命汝秉鉞行西征絕漠朝策嫖
姚騎留屯夜警亞夫營秋風淒淒塞草委陣雲
黯黯邊月明橫飛一劍氣吞胡玉關萬里揚天
聲沙場一戰驕虜滅直取呼韓三百城攬捨掃
盡無妖氛勒功燕然回帝京

觀鬪雀

綠槐庭院日初曉羣雀啾啾鬪林杪奮身不入
鴻鵠羣爭飛聚噪心何小巢林聊用一枝安階
除粒食充朝餐爾形甚眇欲易盈羣居何事興
爭端世人有欲恒不足爭名奪利相追逐吁嗟
微物何足論可憐無角能穿屋

送武寧侯朱永壯征虜

單于獵騎驚雲中羽書夜入甘泉宮君王撫髀
思頗牧將軍勇畧千人雄去年征南聞凱奏侯
印腰間大如斗今年北伐初受賑劔鋒擬斫樓
蘭首鐵馬橫行塞草春陰山瀚海無煙塵歸來

看取麒麟閣漢家衛霍爲何人

賜扇

祝融南來司火令大地鬱蒸如坐甑蓬萊宮中
夏日長南薰有歌思解愠尚方新造宮扇成削
玉裁雲形製精內侍傳宣賜卿士一揮頓覺炎
塵清曾公詩句平生志願與君王驅酷吏安得
牧守皆循良遠播仁風慰黎庶

賜粽

細葛香羅試新暑太平時節逢重午五兵辟盡

邪消不用釵符懸艾虎九重天上宴芳辰
蒲香泛宮壺春青青菰葉包金黍玉盤滿貯頰
羣臣小臣何幸遭 聖明承恩共醉薰風裏願
題宮帖獻新詩納忠竊效歐陽子

送春

黃鸝啼老綠楊樹萋萋草滿王孫路落紅無數
點蒼苔九十春光倏將暮東君何事駕言回典
衣且喚花前杯殷勤相送共一醉後會又是明
年來別離不用傷懷抱四時代序天之道君不

見功成名遂便拂衣漢家疏傳辭榮早

送王司馬致仕還鄉

材猷勲烈重當朝抗疏辭榮去莫招曉日都門
開祖帳輕風江渚泛歸橈魏公晚節吟秋圃裴
老閒情寄午橋可是太平無一事角巾私第得
逍遙

送太宰楊碧川致仕

位正元僚統百官寵承優詔故鄉還文章舊價
留東閣猿鶴新盟在北山疏傳黃金因客散裴

公綠野與雲間衰遲苦被樊籠繫悵望冥鴻徯
厚顏

送吳學士儼考績

玉堂學士舊宮臣器業文章更絕倫袞補合陪
黃閣老錦歸先慰白頭親禁庭春柳關心早客
路江楓得句新宣室從容應訪問幽風無逸好
數陳

送金侍郎澤考績

東風一棹發新河祖道那堪賦綠波白髮交游

歷代詩選 明章林山
嗟我老青雲勲業羨君多辭榮未許歸盤谷奏
績仍催上玉坡 聖主若詢邊塞事好將干羽
化兵戈

送鄭尚書

一鴻天外去冥冥峻節孤風聳在庭投笏遠辭
丹鳳闕棹舟閒過白鷗汀午橋事往名猶在畫
錦詩傳德愈馨愧我欲歸歸未得金華山色夢
中青

和鄭尚書廷綱留別韻

一棹翩然發大江歸尋綠野舊書窗萬鐘已覺
心無累九鼎從知筆可扛名世文章能有幾慙
流人物更無雙高懷不似乖崖老閒殺尚書意
未降

環山樓詩卷

百尺危樓倚碧空山光面面列屏風凭欄遠睇
心何曠對境豪吟興不窮樹色參差青藹外鳥
聲朝暮綠陰中客來俯視三千北却把滁陽作
楚宮

謁文丞相祠

篝燈夜坐讀書臺懷古令人不寐來世遠唐虞
文未喪俗經秦漢事堪哀周公禮樂真王佐管
氏功名只霸才千古是非昭簡冊豈容蹤跡共
塵埃

送同年翁進士晏歸省

萬里青霄路始通白雲情思倍匆匆一樽別酒
歌黃鵠十幅歸帆逐去鴻秋雨江村榕葉暗夕
陽籬落槿花紅慈恩未報天恩重寸念難忘是

孝忠

送國子監侯先生祭掃

丹陛陳情許晝遊桂花香裏泛歸舟十年宦况
橋門月千里鄉心浙水秋天上恩頒新雨露塚
前光動舊松楸平生風木無窮恨憑仗龍章賁
九幽

移菊

白玉堂前種紫薇菊花開落在東籬爲憐秋後
香徧好故向春前手自移苒苒旋添承露葉亭

歷代詩選 明章林山
亭先長傲霜枝樂天只變黃昏伴一種幽香恐
未知

禁中聞鶯

禁苑花深晝漏遲鶯聲遙在萬年枝不隨舞袖
歌金谷却伴仙韶奏玉墀長信夢回欹枕處瑣
闈吟罷倚欄時東風空費如簧舌不道明庭有
鳳儀

早朝

未央鐘動曙光生隱隱初聞柳外鶯風靜御爐
香篆細天高斧座衮衣明螭頭陛擁黃麾仗豹
尾班聯白玉珩最喜君王勤庶政蒼蠅聲裏問
雞鳴

登科

太平天子御金鑿奎宿光芒午夜寒漢代文章
推董賈唐家科第屬歐韓龍門浪暖成頭角雁
塔風高快羽翰雖是看花年尚少莫將溫飽問
儒冠

羣鵲圖

歷代詩選

月章風山

次集卷四十

七

合

歷代詩選 明章 九
噪樓曾報黎囚喜集棘應占太史祥修竹寒梅
無外事若為羣語對荒涼

挽金華鄭同知重父

歲蛇忽作康成夢賦鵬空餘賈誼才從此耒陽
溪上菊風霜時節為誰開

陳處士南園詩卷

平泉金谷競豪華幾度花時得在家爭似南園
陳處士曉看泉石暮煙霞

哭外舅郭公

看英會不聽山陽笛也悲

又

少日東牀誇坦腹年餘四十竟浮沈自慚不是
奇男子空負平生擇婿心

入萍鄉作

蕩節煌煌照楚山天曹何事落人間要知沿路
官員好須到萍鄉縣裏還

和周郎中木

歷代詩選

月章 楓山

次集卷四十一

十

合

歷代詩選
汝墳江漢古名邦曾見周南化日長書社不封
千載恨謾誇萍實瑞昭王

別閩南僚友

三年憲府同懷抱此日離亭惜解携回首建溪
溪上路春山隨處鷓鴣啼

送洪憲長之官貴州

澄清未了旬宣去玉節星輶出富沙行李幾扛
書籍外不將一物度仙霞

壽李知府嗣母

黃鶴孤飛四十年幾番機斷曉窗前隣姬只羨

生兒好恩誥時時下九天

一陽微露嶺頭梅此日高堂初度來王事賢勞

歸未得夢魂飛遶越王臺

莫道無人戲綵衣庭前賸有紫荆枝未須便上

陳情表正是君恩欲報時

挽杜黃門喬妻

夢斷瑤池繡閣閑翠幃香冷燭花殘空遺舊織
廻文錦畱與黃門灑淚看

送同年謝元吉致政歸耒陽

曾因立仗難緘口苦爲求芻又乞身貧病獨憐
歸未得送君重憶故鄉萼

題介軒詩卷

半點緇塵不肯容古來高行許追踪東風門巷
多桃李雪後徂徠一樹松

雲舍寧親

榕葉梅花嶺路長皇華持節晝還鄉此行不似
并州使悵望孤雲隔太行

滹沱晚渡

半川斜日照寒流騎馬來經古渡頭欲問蕭王
水合處野煙衰草徧汀洲

送同年鍾美宣乃叔還鄉

紫陌春回雪自消御溝流水碧迢迢行人欲贈
新楊柳催喚東風長綠條

雨後觀漲

天瓢夜倒雨如麻曉望川原不見涯且莫臨流
羨河伯試將秋水問南華

居仁言遠
明正
樹山

章楓山先生集跋

先生成化二年進士選庶吉士散館為翰林院編修大內元宵燈火分帖詞臣撰進先生率同官黃仲昭莊杲具疏諫止詞甚切直旋出僉臬閩中風節政事迥出人表強仕之年即乞休歸林下幾三十年再起為國子祭酒秩滿一考仍乞休致連章屢上始獲允海內士大夫多奏薦之上亦累加獎擢而先生處之恬然不以榮名易其志也集凡九卷乃其

從弟沛所編而毛憲為之序

莊定山先生集序

余弱冠讀書龍泉山中友人自江浦回持定山所書詩數章其時已知定山之工于詞翰後幾年定山舉進士為翰林抗疏論時事被謫翕然有聲于時余于是又知定山蓋直節敢言之士心益趨向之自後又十餘年余始獲第入翰林則定山蓋已家居者數載當是時定山之望益重書益工詩辭益高古文章論薦者後先相屬惟恐定山之不起余蓋悵然而望悠然而長思

卷之七

莊定山先生集

次集卷四一

一

士

邈若雲中之鶴幽蘭之芳于深谷其不可得而接也弘治甲寅強起爲南京吏部驗封郎中尋以疾致仕卒于家故余于定山雖甚愛慕定山亦往往勤詩札之通而竟莫得與之上下其論於一日間得其所爲詩文而讀之窺定山之用心想見其氣象因得其所養然後歎世之知定山者之淺而又益以爲憾也今年定山之姻友侍御弓君元取所遺詩文彙集之而求余敘嗟乎吾誠不能起定山而與之遊序其又可辭乎

定山之文得其氣于莊騷而矩度于宋儒其
事明而暢其說理簡而達其格韻風調大抵類
后山簡齋而冲虛豪曠多其所自得故其音節
紀律雖不拘拘于唐人之步武而出于近代詩
人則旣遠矣定山始與白沙陳公甫爲友齊名
于時其後定山復起而公甫老于白沙世遂以
是爲優劣定山之將致仕公甫嘗寄以詩云欲
歸不歸何遲遲不是孤臣託疾時此是定山最
高處江門漁父却能知公甫與定山友其出處

高氣或泝流交... 必集卷四二

高氣或泝流交... 必集卷四二... 不... 景... 于... 人... 際... 本... 清... 武... 山... 文... 醫... 其... 康... 于... 蕪... 而... 駭... 于... 突...

石倉十二代詩選

明次集卷四十一

定山集

大明

江浦莊 景著
後學曹學佺閱

題竹

獨行湘江濤見此叢篁幽風雨日暝晦萬雀聲
喞啾垂垂正結實恐為鷓鴣謀豈無九苞羽飛
下十二樓延佇久不見此意良悠悠我因王者
瑞極意垂鴻猷採之欲往食道路阻且脩問之
在何所乃古西康州西康有西伯已矣三千秋

卷之... 明次集卷四十一

至尊應昌運致此能無由清時一再覩咄哉何
所求

橘潭和杜韻

櫻寧何處所天地此溪堂世物如凋瘵醫門有
棟梁寒泉真自冽老橘故須香水晚留蒼翠花
深到淼茫淨回真本色定有碧圓光實好垂垂
大根靈故故長綠非懸宿雨黃豈弄秋霜沆瀣
僊漿裏方書聖道傍野夫長老病白首幾低昂
多謝扶持力殘生豈敢忘

沃洲山爲新昌石秉殷賦

我聞沃洲山渺絕如仙洲仙洲不可到夢想空
自適清風爲我御白雲爲我輶欲憑萬古心窮
此天地幽何時沃洲仙與我相綢繆振衣鼇峰
岡濯足津溪流把畫庖羲圖開卷大禹疇六經
不得志萬古重剛脩悠悠天壤間邈矣吾何求
雪蓬爲盛行之作

雪蓬老人瘦且清前身想只梅花精墨梅一寫
幾千萬鷄林交趾知其名南京小兒不曉事相

逢盡喚梅先生一蓬有屋鳳城裏土脊茅簷竹
椽子蝸牛半角祗藏頭我爲量之剛丈許不題
偃月晝錦堂扁作雪蓬聊爾耳北風大雪五尺
深無限傷人愁壓死老人高坐方掀髯大叫狂
歌對兒女大兒捧筆婦捧觴一醉梅花三百紙
籬邊竹樹徑徑佳萬个弓弣千峰尾忽然幾處
鼎石根便是懸崖活梅樹此時天趣不可當誰
人肯許同清狂花光補之已非敵當時空有王
元章定山先生無一好雪蓬老人當笑倒只有

區區觀物亭半庭茂叔窗前草

木石圖爲許志完作

定山破袖無尺大東歸袖取蓬萊峰峰頭老秃
幾千樹槎牙萬古撐長空箕山老人不曉事問
余欲向青天住醉中見許不作難襟中滾滾傾
天地老人覩此造化權返却而走心茫然忽然
江海一平地千仞萬仞飛蒼煙錦樹蒼峰不須
買草閣秋嗟明月在白頭得此當有知還我東
坡袖中海

歷代詩選 明非知
來教謂尋梅之約已訂然不知此中梅易
得否李貞伯和章雖有相尋不難之句
然亦約莫之言耳故更和一章問尚文
上人云杲爲貞伯解圍遂亦不揣和奉
一章然亦不知更爲約莫之言否也

江山雪冷凍欲凝梅花萬壑藏深冰數枝何處
更江國淡影無香亦無色看花須看花未開公
欲尋梅尋便得徒然約莫尋本難白頭爛醉空
吟鞍李君平生亦清興未始歸途日空曠公才

自出人所思那得李君真莫知

來教謂陳師召太常久稽和章以此見促
杲亦以太常非久稽者以全取勝故耳
故揣太常之意亦奉和一章

詩壇四野凍雲凝重兵十萬屯堅冰梅花相遇
幾敵國戰酣落日天無色相持不勝不肯休不
是老梅禁不得太常先生豈和難手持巨槩橫
吟鞍養威自待有餘興一鼓坐收天地暝詩家
老將須更思仁者無敵何人知

鍾欽禮畫牛

東風渺渺平原綠幾鼻浮江春帶犢短蓑耕罷
一犁歸數畝山陂雨初足薄田我亦耕定山六
角未能終日閒一笑還尋飲牛處夕陽疎柳前
溪灣君不見江山萬古驅牛樣用則耕田閒則
放

送李德孚林緝熙還南海

細雨枕榔樹清泉苦竹根先生舊家業風日短
籬門歸計携諸友迎舟立兩孫能尋白沙子同

和容彥昭

世人無限事南畝領農夫佳氣山長在秋江鶴
自孤風流還我老塵俗似君無朗月孤舟夜能
來共五湖

聖像寺

聖像移舟入僧貧寺轉佳白雲何處所秋逕此
袈裟細雨憐棕葉香風問橘花野人幽僻甚隨
意宿煙霞

與孤鶴翁泛江

江晚真堪畫
煙中樹樹清
兩人携小槳
萬里蕩秋溟
醉眼岐周鳳
虛名楚國萍
西山知我意
個個蠹銀屏

雨中招廷信

從來頗舊雨
今雨可相辭
留取一樽酒
賞公千古詩
風流真麈尾
跌蕩更花枝
自掃門前立
能來莫遣遲

贈豐城李士遠用韻

白髮今何去
來過亦此天
子能留幾日
吾且慶雙泉
世事雲難定
青山雨結緣
好看溪上月
還與共衰年

客至

野磬投閒止
寒山暮欲深
醉留三日雨
狂了百年心
雲水青藜杖
乾坤老布衾
蒙頭閒不管
何處是晴陰

同東川諸友溪上晚釣

潦倒青溪上
閒隨放蕩緣
請誰留白日
任我釣

青天酒舞長蓑爛花簪破帽圓醉歸扶不遠家
只水東煙

宿伯顯家

平生安老睡此夜獨何期病枕風誰碍疎櫺葉
放欺山弱人愈靜月有句專奇若許論更漏城
中客不知

壽邊處士

野日蒼峰路青天一布巾鶯花真老計天地此
遺民海甕仙醅熟山居帝畫真白頭今太古公

外更何人

德州

兩月京師路今來尚一千虛名非雅事薄計祗
蒼天夜泊隨孤驛雞聲各放船小詩畱一雨又
話德州緣

寄萬廷器

乾坤此日聊携卷文字當年畧濫觴玉樹偶驚
詩眼在菊花相對酒杯長山林放手招明月江
海歸帆掛夕陽明日老癡如問訊欲將秋思托

潘郎

遊靈巖山

百年未了青藜杖
又向靈巖坐晚晴
我與閒雲同自在
月在秋夜極分明
青天曠野真能大白
鳥滄江本自清
俯仰崢嶸男子事
肯將容易負平生

遊瑯琊寺

窅然天地豈人寰
紫翠無窮十里間
閒看古松尋片石
偶隨流水入深山
四時花在巖巖好
半日僧來個個閒
我有新詩三百首
蒼巖題得不知還

馬侍御過訪

清江大樹老夫家
只許衡門管歲華
雲谷有詩斟紫筍
柴桑無酒不黃花
百年事業長饒老
萬里風雲醉眼賒
何處西臺賢御史
也來垂眼釣魚槎

楊侍御枉顧

江頭深樹草堂孤
故舊諸公過此無
小吏忽來

歷代詩選 明荆定山
傳駕到老夫雖病遣兒扶繡衣御史青驄馬田
舍翁家濁酒壺肯爲交歡拚一醉休嫌禮貌老
來麓

香山九老圖

山林我極勞千慮宦海誰能着萬牛自古更無
陶靖節而今須畫白江州尋常此日才多病八
十他年更幾秋俯仰乾坤無一語道人乘月坐
江樓

重陽雜興

朱門兩月閉蒼苔老病何人得好懷短髮亂從
頭上白重陽偏是雨中來黃精瘦地鋤空把北
斗滄江首正回賴有黃花知老子東籬深傍酒
杯開

西林亭禱詩

塵埃滿眼思東海明月高樓每見之幾載別離
今酒共兩人肝肺此燈知支離萬事何如我潦
倒千年却與誰五月孤舟還問路老懷甘與水
東隨

歷代詩選 明 荆定山
登雞籠寺

一磴盤空一磴回白雲蒼樹打成堆題詩朗月
清風到招手千峰萬壑來今古此峰天棟桂煙
雲何處佛樓臺我來不肯題名姓恐被故山猿
鶴猜

送東川雪潭至真州有作

白頭揮汗未能乾五月真州在馬鞍盛暑不曾
辭遠出病軀今日可容難江山幾處真風月今
古何人此肺肝明日短筇誰傍我祇應清夢繞

漁竿

清溪

清溪綠樹繞東西處處逢詩不敢題無賴雨能
連甲子最佳山直到茗溪江湖有債閒遊老世
事無能白首低肯爲思家長再拜孤舟夜半子
規啼

除夜和黃子明員外

老醉屠蘇今夜酒一杯千古獨何思送窮文字
真誰是應節梅花畧少詩病痛百般羞此夕乾

歷代詩選 明莊定山
坤萬事了何時明年又說明朝是青鏡剛添雪
幾絲

挽容彥昭

墓中誰打彥昭碑老泪西風可盡垂敢向青天
呼此友不知華髮長因誰九京夜路書難到萬
里江門我自遲多少交情言不盡長江畱寫哭
君詩

休寧汪進士枉顧定山有詩和之

畱君五日溪雲坐共看溪雲且莫歸詩思兩人

秋澹澹老懷連夜雨霏霏菊還戀節移盆瘦蠓
略經霜送酒肥倘肯重來須記取桃花流水是
柴扉

寄吳憲之侍御

玉節畱詩老樹灘可能畱憶釣魚竿相看雲水
無三舍不寄梅花又兩寒醉枕柳根容我睡諫
書天下爲公看相思欲采芙蓉寄只恐江深到
日難

驄馬朝天爲戴元吉侍御作

歷代詩選
明正
落葉秋霜送馬寒題詩迂蹇竟誰干聖朝海內
長無慮野老山中睡亦安御史祗今爲寄重諫
垣從古盡言難明朝或有垂衣論願與山中拭
目看

焚黃詩爲某太母題

風燈何自許堪憐容有人間萬古緣晝夜死生
真大夢乾坤竹帛果誰賢百年盡了觀空意兩
誥初收斷髮天老坐孤松板哭盡留詩吾獨愧
三遷

九日同吳獻臣登定山

登高不把病中休笑插黃花各滿頭醉倒酒杯
還不放也知明府亦風流斯文幾處能今日山
寺他年說此遊但恨老衰詩力減曾無一句似
羅浮

送吳獻臣

嶺海來過不作難三年幾度問漁竿黃花病裏
雖真愛朽木山中豈足看今古短檠閒對酒江
山晴雪此憑闌殷勤欲了相酬意折盡梅花贈

馬鞍

徽州方純吉在顧定山有詩和之

溪雲真愧此衫長老去山中百事荒貧叟略無
他敬客山中惟有一焚香詩人本自方干後賢
者還生仲晦鄉明日碧梧陪坐處便將畱鳳扁
茅堂

寄姜惟貞太守

釣竿乘老問東風千里鷗波更向東閒笑龜蒙
曾似我便難張翰不如公江聲海色畱孤艇月

影湖光照兩翁却憶西涯今學士廿年無信託
歸鴻

六合別俞邦誠

孤舟一雨帶秋開何處弓旌萬里來已分深山
甘朽木豈知優詔起非才人聞百事添霜鬢老
去虛名愧釣臺把手欲將離別句不勝千古送
秋回

濟寧舟中

不管青天問去鴻百年都只此杯中千家小聚

村村暝萬里長流岼岼同遠樹入河留返照布
帆隨力飽西風南來北往奔波地留與兒童笑
老翁

舟中

暮靄千家望欲平風光著處有詩情秋燈小榻
留孤艇疎雨寒城打二更石自隔河分別界人
將孤驛問何程同行我亦朝天客兩鬢羞看雪
亂明

蔡村

孤舟遠水入潺湲眼見河流又一灣萬里
連夜發幾灘秋水白鷗閒淺深雨亂移篙地
北秋連出塞山問訊京師還幾驛不勝清夢五
雲間

宿白家川

淺灘還離寸膠前稍稍頻催上水牽偶到人家
多處夜遠隨明月各灣船客非逆旅愁難到鼓
合隣燈醉不眠向曉聽雞還亂發欲將行止問
河煙

歷代詩選 明末定山

十四

題畫

遠山青兩峰老樹秋幾葉我懷不可羈空江下
明月

題蕭尹翎毛

幽鳥啼自哀秋風竹枝怨哀怨情豈勝月明寒
影亂

題畫

浮雲籠晚照野樹亦輕陰莫道無人迹春山也
自深

石翁見寄次韻

山盟投老會相尋無復人間不了心鐵篴試吹
峰頂月山靈依舊是知音

梅花

儘遣東風問化工南枝何與北枝同誰知無限
春消息都在寒煙一抹中

畫馬

野草寒風捲雪乾病軀斜閣瘦欄干相逢芻豆
人間者誰把行天步驟看

歷代詩選 明末定山 次集卷四一 十五

遊平湖南寺

綠陰撐入傍湖州水作清深樹作幽是畫不知
還是寺晚峰斜日更登樓

張秋夜泊憶李升都憲時出巡兗州

孤舟旅泊果堪情明月黃河水亂傾雨後老人
渾不睡別懷長戀兗州城

石倉十二代詩選

明次集卷四十一

終

石倉十二代詩選

明次集卷四十二

東海集

大明

華亭張 弼著
後學曹學佺閱

酬楊編脩維新

灼灼東風桃縹縹西園李采采諒匪艱舉手聊
漫爾云胡自束縛企望邈千里齒髮易衰謝歲
月不我俟抗走京華塵款曲謝知己素心爲我
傾瑤琴爲我理言別川途長夢寐相汝爾申楨
致教言出處貴正始螻蟻知陰晴孔翠擇棲止

歷代詩選 明張汝弼
明珠與珊瑚乃在滄海底努力慎所之六籍固
根柢再拜置懷心察察聲在耳歸雁西北翔作
報心懷耻惴惴畏迷方身先雞鳴起

答胡廷慎進士

村居斷來往攤書校陶陰寥寥三百載誰鼓紫
陽琴螢燭無遠照轉展費沈吟新聲亂古雅嘈
嘈或悒悒念昔與君期迪我以妙音中道忽化
離宿疚鬱中襟支離事鉛槧何以希回參湛湛
圖靈高淵淵滄溟深栖栖坐遲暮鴟鳩鳴芳林

東山勝集

金昊澄新霽涼飈襲衣裳謾赴樽俎召靡靡東
山陽弛策馬徐進微吟興騫翔宕堯古招提熠
熠揭龍章萬松蔭虧蔽瀾望鬱以蒼轉轉紆石
磴遙遙躡重岡山人導步遠爰覲神閤藏蜿蜒
功德水一剎清肺腸席苔薄留憩競掇澗芷芳
緬懷昔人迹訊之已昧茫而予自慶幸幸際時
樂康幽夏歸一統文軌同萬方

竹詠

歷代詩選

明張汝弼

次集卷四二

二

王

歷代詩選 明張汝弼
擊節歌離騷湘靈招不得開門看明月幽篁倚
蒼石春風千萬花花落春無迹此君冷淡姿常
有好顏色

紅梅贈同年翁僉事

庾嶺小紅梅風標天下絕昨日幸同歡今日傷
離別玉筵兩三聲吹落臙脂雪寫以贈知心相
携共明月

送陳公甫膺聘之京

勢利不我惕貧賤不我戚委曲義理途飄然若

無迹問我今行藏而我亦未識扁舟涉江湖
歌秋月白

夢奚元啓

曲江池畔龍化魚明光宮前重獻書丈夫意氣
薄霄漢健翮不受樊籠拘歸來吳門領煙月三
尺劍光飛列缺不容匣底繡紫苔要封塞外天
驕血我曾曳裾趨後塵壺觴觚墨時相親荆卿
臺前雪沒脛狂遊不惜肌膚皺南薰樓頭一分
手過隙光陰白駒走翠簾兩度見飛螢消息不

歷代詩選 明張汝弼 三
聞空仰斗今夜翩然入夢魂五色彩筆扛崑崙
白日下照寸心苦好風吹入金馬門金馬之門
在天上雙雙玉人笑相向夢回海角只孤吟千
里百里相思心霜花滿地月華白悠悠何處鳴
寒砧

張行人銀漢遨遊圖

東溟仙人事遊冶穩騎六氣如馴馬雙袂翩翩
歷紫清回看一道銀河瀉河中誰泛蓮葉舟更
節翠旂張使者昔日靈槎已腐爛換得蓮舟更
點爾支機石寧勞遠訪嚴君平

雲山圖

楚人談在廬越人談天姥何如對此雲山圖爲
我胸中洗塵土山青青兮雲英英樹蒼蒼兮泉
泠泠小橋曲逕數十轉百畝石田如掌平茅屋
參差出林罅雞犬聲中雜人籟鴨舌沙頭竹葉
舟紫鱸銀鱸不論價我慚詩債百不酬久無清
興筆亦羞看此圖中堪避俗可能借我三間樓

固不學東山之安石亦不望南陽之武侯鑽研
章句咀陳腐獨慕萬古情悠悠行常了此念拂
袖尋浮丘青鸞白鶴許我駕飄然逕入雲山遊
匡廬天姥有佳處處處小住三千秋

題畫

大山如龍欲飛去小山盤盤如虎踞近山晴露
雨三峰遠水微茫不知數劉君家住山之陬蒼
藤古木涼陰稠步月頻穿花裏逕看雲別起水
邊樓隔林松吹含情響古色莓苔和雨長案頭

六籍時卷舒沙上羣鷗日來往近年得志上天
衢皇華四牡常馳驅道逢江陰何太守爲寫江
南山水圖朝回挂向碧窗曉滿幅煙嵐靜悄悄
坐中都似舊遊蹤只欠清音一啼鳥

送僧還邵武

義師彈琴兼寫竹指端觸處清風足廣陵明月
十二樓瓊裾仙袂同追遊瀟湘晴雲數千里桂
楫蘭舟弄煙水梵餘定起白晝長冥心今古何
茫茫我賦新詩送君去靈風忽偃窗前樹

漁舟

溪光欲沈風色惡後船來俯前船泊老婦煮糜
糜太薄船頭大孥先一杓篷底小孥苦啼索須
待郎食爲汝嚼連日天寒魚數縮買酒無資人
寂寞還勝趨官走城府忍凍吞飢受鞭朴嗚嗚
競唱漁家樂

石鐘山歌

昔官左轄湖湘去彭蠡風高帆不駐回頭空戀
石鐘山白鷗飛斷迷煙樹揭來量移江之西石

鐘山上幾栖遲時聞鐘聲發山谷緩復急兮高
復低恍如野寺僧喚粥高棟懸筵時一觸又如
鳴佩趨鴛班五雲雙闕聲催促前呵暫止問山
翁翁云此處無金鐘巖下玲瓏石作竇江風鼓
浪相激衝遂令天然至音起何煩協律分條理
煙波客夢幾回驚塵土勞心頓時洗乃知鐘名
不我欺委蛇石磴尋古碑蔓草垂蘿古碑沒別
蘇漫閣前賢詩

贈王鎮撫

蘇詩選

明長女編

次集卷四二

六

心

天狼睽睽時出沒弧矢光芒正蓬焯九重厲精
康熙物蒐羅才俊罔遺逸爪牙世臣襲華秩感
恩思奮心如怒握劍提戈聲啐啐我苗斯孳髮
斯櫛腥膻汛掃南北一露布奏捷星馳疾喜動
天顏重進秩虎符焯焯耀朱芾丈夫才氣斯弗
屈汗簡垂名皦于日

梅嶺

梅山巨石當關口只容疋馬单人走五丁一旦
揮金鎚百尺嗟峨復何有碎石填澗澗亦平又

令徒听添圩城昔年險處今平地晝夜輪蹄自
在行

題畫

遠山如飛近山走茫茫白雲三萬畝小橋盡日
無人行孤舟自碇清溪口似聞烏啼猿嘯哀長
林宿莽驚風來令人灑然毛骨爽不知身在黃
金臺金臺紅塵深百丈騎馬東西事鞅掌見圖
喚起山澤心枯腸騷然詩句癢揮毫聊問許鄖
州何時約伴作清遊我歌爾謠齊拍掌笑看黃

歷代詩選
明張汝弼
河西北流

西施菊

西風吹破臙脂萼，館娃佳人醉顏渥。
蘇臺麋鹿渾不知，自有陶翁供笑謔。
莫信此翁清且貧，花前時復賦閒情。
東籬落日幾醒醉，卻笑鴟夷空醜名。

花鳥二首

天台山裏劉郎來，玄都觀裏劉郎去。
人來人去花不知，金衣鳥啼春滿樹。
綠窗孤眠如玉人，聞

道春歸未識春，欲起推窗看花鳥。
還將羅扇障流塵。

青青幽禽豈凡翼，傳書曾謁秋風客。
廷臣宮妾謫如雲，只有偷桃小兒識。
流光忽忽能幾時，舊日桃花無一枝。
幽篁獨抱歲寒節，飛來與鳳同棲遲。

花朝期錢世恒御史不至

北土花朝草木青，南土花朝草木盡。
滿庭新綠啼孤鶯，美人不來空有信。
悵然酌我金藤卮，顏

然隱几夢見之覺來不見倍相思嶺南嶺北雨
絲絲

禽言

得過且過飲啄隨時朝暮得隴望蜀徒爾爲未
知是福還是禍得過且過
泥滑滑今行不得郭公提壺勸君喫脫布袴涉
水難不如歸去聊安息

次韻葉太守郡齋述懷

黃霸還朝日空餘海國春吟囊偏覺滿行李某之
知貧笑別三江月俄爲千里人平生一孤
避霍家親

送郎中吳行德還南京

聖主龍飛日英才豹變時北來天浩蕩南去路
逶迤柳影家家畫花香處處詩南宮印如斗指
日待君持

上巳日

上巳今朝是蘭亭不可尋一爲京洛客幾負故
園心綠水鷗盟遠黃塵馬首深題詩難盡興展

畫看山林

送徐仲廣歸姑蘇

醉坐春風棹春波照眼明正當欣賞處又慘別
離情渺渺飛花遠萋萋芳草平少年懷璧去有
待價連城

和浦憲副述懷

昔在秋臺日閉門甘守貧滿朝求識面同巷懶
呈身冰蘚常如舊煙花自換新且須傳酒頌何
必論錢神

寄徐時用

同邸每同遊別來俱白頭古心遭俗罵老眼
時流明月三江棹清風百尺樓更期東海上鶴
筆伴閒鷗

溪居

聞說幽人屋門前碧玉流鴨頭微暎雪鵝尾淺
含秋無際迷青草多情縱白鷗素衣何用染相
對自悠悠

雪後有感

歷代詩選

月長女詞

次集卷四二

十

古

歷代詩選 明張汝弼
海國偶行眺悽悽感物華春分還有雪寒食尚
無花村落四五里爨煙三兩家荒林翳斜日處
處鬧歸鴉

送瓊州守

滄海隔瓊山憐君幾往還蒲帆一萬里竹屋兩
三間首化鯨鯢窟心歸鴛鴦班春風杏花信又
促覲天顏

寓館述懷

為客京華若轉蓬移家又向玉河東謾凭白眼

看新綠懶著青鞋踏軟紅三月風光渾夢應三
生辛苦尚雕蟲牀頭舊醞江南味且約心知一
醉同

栽杏遷居春坊之右廂作

御河東畔春坊裏借得閒齋寄此身偶見移來
山杏好買栽寧計客囊貧孤根元荷乾坤力嫩
菜都含雨露春擬醉紅雲香霧底曲江風景一
番新

用韻寄林亨大

引蔓高枝笑女蘿元龍豪氣未消磨赤貧何必
逢人說清興時還對酒歌五夜客愁聞蟋蟀九
天風信送鴛鴦男兒須了人間事不信流光一
擲梭

用韻簡全聰二上人

同著緇衣遯綠蘿晉書唐律共磋磨僧中今見
大小朗世上爭傳長短歌適意豈無千里駿聽
經應有一雙鴛偷閒欲結東林社須得蔬盤貯
水梭

渡江

楊子江頭幾問津風波依舊客愁新西飛白日
忙于我南去青山冷向人孤枕不勝鄉國夢敝
裘空惹帝城塵交游落落俱星散吟對沙鷗一
愴神

宜興好寄弋陽尹李端卿兼柬諸公

吳中山水宜興好曾在京華得飽聞踪跡十年
嗟未到風煙一壑要平分筍饒茶焙銅官雨荷
蓋蘭舟并瀝雲更問東坡田可贖便教兒子早

歷代詩選
明弘治
耕耘

徐氏賞銅絲燈

太平京國萬家燈東巷徐家最有名
金網漏光華月小繡旛拖影綵雲輕
樽前何用蛾眉舞筆底能令鬼膽驚
試問去年同賞者天涯星散不勝情

滕王閣次韻

滕王高閣楚江涯此日來遊夙願諧
遠近山川供酒案古今人物在詩牌
乾坤有意留陳迹歲

月無情感壯懷欲倚梅仙黃鶴去
五雲深處拜

堯階

和廣東按察使閔朝英

南海黃柑遠見分幾回貪嚼苦思君
孤鶯愁坐蕭蕭雨老鶴高飛渺渺雲
花判最能明國法草書何足張吾軍
一尊庾嶺梅花月共醉清風却舞裊

陳公甫寓寺連日不見寄之

何事今朝阻笑談
淒風寒雨暗江南
百年事業

歷代詩選 明張汝雅
知多少九月光陰又廿三綠酒且教人酩酊黃
花自笑鬢鬢晚晴還過周臺宿細與崆峒道
士叅

與陳公甫飲懷賀克恭給事莊孔易司副
章江禪院雨聲秋綠水黃花話舊遊賀老曠懷
應我念莊生高論許誰酬乾坤古氣雙龍劍江
海長流萬里舟去雁來鴻無信息夕陽孤倚斗
南樓

寄建昌太守秦廷招

元守題詩寄少游天涯幾度斷鴻秋丹心自許
乾坤識白髮誰憐歲月流萼菜關情千里外杜
鰲夢五更頭章江北繞人南去獨倚斜陽鐵
柱樓

照鏡

覽鏡今朝忽見吾欣然對語共盧胡鬢鬢髮
乃如此磊落肝腸還在無敝郡窮民真愧赧清
心直道太迂疎秋風有便不歸去空負松江巨
口鱸

次丘時雍太守

輕風細雨晚涼餘
撼撼庭梧葉漸疎
念我此時來手筆
愛君何日到肩輿
欺人歲月翩翩爾
隨世功名碌碌如
矯首番湖幾千里
傷心歸雁一行書

與桑民懌宿別

送別江頭意不堪
僧房留宿快清談
髣毛零落風前鷺
心緒悠揚水上蠶
司馬奇文空自賞
元龍豪氣卧能諳
一梳曉月催行李
水自北流人

自南

次錢世恒繡衣

六年作郡幸清安
筆興詩懷不屬官
酒遇故人隨量飲
花當好處及時看
鱸肥松水家千里
馬倦梅關路九盤
京國舊遊如夢寐
未知何日罄交歡

送石廷堅進士出宰上杭

三禮聲華聞九州
杭溪作宰邁時流
鐵爐賦足民無恙
銅鼓山鳴歲不愧
王喬曾賜履
情

看卓茂早封侯兩京襟佩紛如雨回首春風憶
舊遊

登東山送馮掌教

一迴相見一清吟短髮繁霜歲月侵浪迹祇憐
南又北曠懷誰信古猶今越王臺北秋風早張
相祠前暮雨深莫問玄都癡道士紅塵回首欲
投簪

張丞相祠

丞相新祠何處尋梅花嶺上最高岑雲封一室

藏金鑑泉滴層階奏玉琴後世競傳開路蹟當
時未盡補天心竹批兩耳青螺遠獨立西風慨
古今

偶賦

過嶺囊箱下瀨船丁夫晝夜少安眠薄田蕩盡
猶輸稅惡客頻來橫索錢窮髮東南皆赤子舉
頭西北有青天不才無計蘇民困食祿乘軒自
赧然

題金蓮寺壁

歷代詩選

明張汝弼

七

南安北寺足徜徉公務清遊兩不妨玉版禪師
叅茗汁金蓮侍者供檀香墨花灑灑孤亭雨劍
影翩翩五嶺霜分付山林老猿鶴須分一半作
黃堂

飲顧天祥家

仲冬風日似深秋白鶴城陰好放舟天地有期
誰不盡溪山如畫我來遊詩懷酒興逢青眼舞
影歌聲醉白頭三弄梅花促歸去一天明月更
相留

續夢

買斷秋光不用錢祇憑酒筆與詩篇青簾艇子
蘋香裏錦瑟佳人菊影邊興到不辭松寺遠醉
來還愛竹輿便也知白髮非春事自與西風結
曉緣

送客歸閩

白雁風高秋氣涼畫船東下旆央央張翰江上
尊偏美陶令籬邊菊正香稽首不勝恩浩蕩掛
冠一任鬢蒼浪何時騎馬來尋訪欖葉陰中吸

歷代詩選

明張汝弼

次集卷四二

七

善

荔漿

綠滙堂新成

別館新開綠水濱
蕭然無處着囂塵
清風時作酒邊伴
酷暑不欺林下人
猶未忘機鷗鳥舞
時常得食鳴鶻親
天涯故舊休憐我
老齒還能嚼紫葍

淮安雪夜

自怪平生酒量慳
舟中無事可消閒
雜書數卷看來厭
名紙千緡寫付還
篷背雪聲何颯沓
牀

前燈影半闌珊
瓦爐砂礧空相對
誰在春風

渡江

蓬底茶香酒夢醒
大江風急正揚舲
浪花作雨汀煙濕
沙鳥迎人水氣腥
三國舊愁春草碧
六朝遺恨曉山青
不知別後東湖上
誰愛菱歌倚棹聽

遊小崑山

小崑山勢卧麒麟
獨角撐空甃塔新
北崦榛篁

歷代詩選 明張汝弼
三佛地西村秔秫百家春陸機舊宅空餘草張
翰歸舟却有蓴沈醉臨流還濯足青鞋猶恐泥
黃塵

春暮述懷

旅館孤吟思惘然抱書時讀枕書眠萋萋芳草
日將暮點點飛花春可憐家信不來江雁杳鄉
心正切海鱸鮮欲沽一斗花前醉自笑青衫不
值錢

送楊將軍帥邊

獨携長劔守窮邊洮水岷山路幾千五月鹽
走冰雪三更笳鼓報烽煙巴茶宛馬師僧市筮
語番文譯史傳自昔班超身未老玉門關外聖
明憐

陳粹之鴛湖寓居

青雲人借白雲居似欲逃名半老漁但覺蘧蘧
成夢過何曾咄咄向空書鴛湖泛月狂歌甚虎
阜穿雲小醉餘負我同年歎離索金鼇閣下候
肩輿

崇溪景五首

悠悠下村徑望望皆煙樹何處讀書聲山禽忽
飛去

潮去開頭淺潮來開頭深淺深渾有定不似世
人心

登登度西岡恰與詩景會歸鳥下幽叢斜陽在
岡荷

白鷺宿寒塘寒塘浸明月懊恨少年心分明鏡
中雪

滄海明月來古戍行人靜驚見張顛書滿地藤
蘿影

畫虎

羣虎人所畏人怒羣虎戮試看堂室間坐卧爛
斑褥

古意

桔槔如離腸輾轡千萬轉只見山高低不見路
近遠

畫景

歷代詩選 明別沙別
三
艤棹荻花灣相期且未還不須愁日落明月在
東山

留別江西諸公

送別章江門何須折楊柳天涯去住情春風幾
回首

道中口號

昔從此路來今從此路去東海舊綸竿還挂珊
瑚樹

題畫

江上新涼霽色開綠雲深樹見樓臺老漁夫
拋簑笠還恐輕雷送雨來

又

雲杉如薺屋如蚶詰曲溪流瀉碧潭獨立小橋
吟不盡挿天晴翠太湖南

題畫贈張憲副廷芳

山水情懷軒冕身抗塵終不混流塵西湖十里
梅花月來伴扁舟載鶴人

春畫

落花飛絮促春陰倚徧東風傷客心欲試青衫
無酒伴城南草色自深深

春山

青染螺鬟春又歸巖花徑艸靄斜暉謝公自有
登山屐誰向開門踏蘚衣

春燕

春雨秋風底事忙棲身自欲向昭陽誰憐江外
初歸日巢壘未成空繞梁

訪人不值

茫茫滄海雨浮萍多謝風波偶合并別後杳
不相見風波依舊是無情

胡陵城

漢楚英雄逝水東蕭蕭荒壘幾秋風金戈鐵馬
酣爭地付與尋常負米翁

西浦盟鷗

吟弄清風綠水塘白鷗時拂芰荷裳年來不獨
忘機事一箇閒身亦自忘

書童志昂詩後

雪貌霞裾一美人只將遺珮寄情親
湘臯有路無由見幾度東風草自春

羅袍

鴨綠羅袍魚口開重教補綴不須裁
眼前多少鶉衣者太守真慚襪線才

俞舜卿僉憲許楫未送詩以促之

南海黃柑未見分舉杯空望嶺頭雲
元宵燈火相將近空手歸來惱細君

曉行

曉行梅嶺鷓鴣啼草樹蒼涼路欲迷
莫道哥行不得馬啼南北又東西

仙茅

廬嶺仙茅舊有名隨時采服髮長青
使君昨日纔持去今日書來乞墓銘

懷友

飛來渺渺送春歸忽漫鈎簾對夕暉
竹下小池雙翡翠銜魚飛過綠苔磯

絕句

空濛山色晴還雨繚繞溪流直又斜短杖微吟
過橋去東風滿路紫藤花

送杭州別駕陳鼎叔之任

蘇公堤上柳依依聞說年來已半稀君向春風
好培植莫教庭院獨芳菲

方文美畫


花落春歸客未歸仲宣樓上倚斜暉故園遙在
三江外綠徧薜蘿燕子飛

紙鳶送陸文質之京

百尺東風舞紙鳶無端聲到別離邊人生自是
無根蒂却被功名一線牽

春日偶成

盤薄乾坤萬古心無由輸寫強登臨蜂房晴日
蛙聲雨都付先生自在吟



石倉十二代詩選

明次集卷四十二

詩選

月長女

次集卷四二

二

